

1a
Q. D. B. V.
DIATRIBE PHYSIOLOGICA
DE
AFFECTIBVS
ANIMI

TRIBVS DISSERTATIONIBVS MEDICIS
SINGVLAREM
IRÆ, METVS ATQVE TRISTITIÆ
VTILITATEM
PER RATIONES ET EXPERIENTIAM DEMONSTRANTIBVS
PRÆMISSA,

QVAM

CONSENTIENTE ILLVSTRI FACVLTATE MEDICA
IN INCLYTA ACADEMIA JENENSI
PRÆSIDE

JO. HADRIANO SLEVOGTIO, D.
Medico Ducali Provinciali & Civitatis Patriæ

*publicæ Philiatrorum disquisitioni
exponit*

JO. GEORGIVS MÖLLERVS
ZITTAVIENSIS

Jenæ, A. O. R. MDCXCV. d. Martii.

LITTERIS NISIANIS.



L. D. B. V.

§. I.



I Plinio autore, *ab animo hominum medicina* *pendent*, πρὸς τινῶν ἀμοιβῶν τὸ σῶμα ἐξ ἀνάγκης, οἷς ἀδύνατον αὐτῷ ἐστὶ μὴ πλησιάζειν, a quibus corpus, cum impossibile sit, ut iis non appropinquet, necessario alteratur; Cartesioque teste, passionēs

Hist. nat. lib. 28. c. 4. Gal. de Art. med. c. 85. edit. lat. p. m. 264. tom. 1. Grac. p. 481. tom. 3.

animæ ad salutem & conservationem mortalium a natura concessæ sunt, ut corpus ad rerum utilium prosecutionem & noxiorum fugam comparetur: haud ultima Medentium cura erit dispicere, quasmam motus animi causas, quasve indoles fortiantur; ut discant, qua ratione eos gubernare, & pro re nata, clientibus suis aut imperare, aut vetare debeant. Solis quippe Medicis, pro avito quodam artis suæ jure, quo ipsis etiam Legumlatoribus leges dare valent, non tantum, quæ ad corporis totius ἐνείκταν, & singularum partium ab Hippocrate & Galeno requisitam εὐφροσύνην pertinent, præcipere licet: sed in animos insuper hominum imperium exercere, variasque eorum inclinationes moderari permissum est.

§. II. Moti itaque materiæ præstantia pariter & utilitate, de tribus admodum famosis animi παθήμασι, ira scilicet, ejusque potiori specie, *excandescencia*, hinc de metu, quo & terrorem referimus, atque tristitia, cum suis inferioribus, totidem dissertationes academicas conscribere, & quomodo hi, passim male apud Medicos audientes, affectus salutarem in tuenda & recuperanda

peranda valetutine opem præstare possint, ostendere decrevimus.

§. III. Quod dum agimus, rei natura postulare videtur, ut in genere nonnulla de affectibus animi præmittantur, quæ securis procemii quasi loco sint, progressumque parent expeditio-rem. Enim vero, cum ab initio hanc opellam, animi tantum gratia susceptam, *παρίρως* & horis, ab ægrotantium cura, aliisque offi-
epist. 53. cii rationibus vacuis, absolvi posse putaremus: rem ipsam ag-
 gressi, non subsecivam eam, sed, quod Seneca de Philosophia scri-
 bit, *ordinariam & dominam esse*, & laborem, humeris nostris
 imparem, poscere deprehendimus.

*Pathol. ex-
 erc 8. quæ
 epitome est
 tract. Car-
 tesiani de pass.
 anim.*

§. IV. Est enim, Charletone monente, theorema haud paucis, iisque gravissimis difficultatibus involutum, & cujus cognitionem, ceu mentis humanæ captui minus obviam, non est promptum attingere. *Quippe licet effrenos & insanie fini-
 timos perturbationum animi tumultus in nobismetipsis experia-
 mur, velutique in intimo pectoris excitatos persentiamus: tan-
 tum tamen absumus a clara & demonstrationum munita illorum
 theoria, quam si nihil omnino ad naturam nostram spectarent.*

§. V. Causæ harum difficultatum ad duo potissimum capita reduci possunt; quorum *unum ad auctores*, qui de pas-
 sionibus aliquid literis prodiderunt, attinet; *alterum rem ipsam*
 concernit.

§. VI. De autoribus audiamus Cartesium, tractatum de passionibus animæ hoc modo ordientem: *Nulla in re magis
 apparet, quam manca & deficientes sint, quos a veteribus ha-
 bemus, scientiæ, quam in illis, quæ de passionibus scripsere. idcir-
 co eo hic modo me oportebit scribere, ac si tractarem de mate-
 ria, quam nemo ante me attigisset. Hunc excipiat Honoratus
 Fabri, qui de magno humanæ sapientiæ instauratore, Aristotele, ita judicat: Consule, si vis, Aristotelem, & crassas tenebras
 invenes; quæ licet lucem multam contineant, hæc tamen sine
 sudore erui non potest. dicam quid sentio: vix hæc apud Aristote-
 lem intelligas, nisi prius intelligas, quid legas: sicubi enim obscurus est
 & sepia, hoc revera loco totus in tenebris latet. Quæ si vera essent,
 quis,*

*Lib. 3. de
 Homine
 propos. 42.
 p. 353.*

quis Aristotele cœcutiente, in hoc negotio, se oculatum profiteri ausit? Nec proinde, quicunque post Aristotelem per cuncta secula de pathematibus scribere conati sunt, durius in se dicta putabant, quæ idem Fabri, in præfat. lib. 5. satis libere & confidenter, ne dicam temere & ignominiose, inprimis Cartesium suggillando, in eos pronunciat.

§. VII. Hæc de autoribus: reliquas, *rem ipsam* prementes difficultates a Charletone mutuabimur, cum idem ante nos Excell. Brunonem fecisse videamus. Harum *prima* est: quod animi pathemata merito sint in perceptionum sive sensationum earum classem referenda, quas impervestigabilis animæ humanæ natura, ex una; arctissimum illud foedus, quod animæ cum corpore intercedit, ex altera parte, necessario reddunt confusas & obscuras. *Altera* est, quod minime habeamus exploratum, quænam pars sit animæ sedes præcipua. Hanc sequitur *tertia*: quod pariter nesciamus, in quo primario ac immediate consistat illud commercium, quod animæ cum corpore intercedens, in causa est, ut in se reciproce agant, & invicem patiantur in animi pathematis. Hoc est, quomodo anima humana, ceu substantia immaterialis, a spiritibus, subtilissimis equidem, mere tamen corporeis, per objecta motis, affici queat, ut vice versa eosdem spiritus, pro ratione affectuum, una cum reliquo corpore diversimode exagitet.

*l. c. p. 84.
Dogmat.
med. gen.
p. 227.*

§. VIII. His accedit, & magis adhuc arduum negotium facit, quod nos in eas animæ passionēs inciderimus, quas unanimis fere Medicorum consensus hæctenus inter noxias & bonæ valetudini adversas proclamavit, nec nisi per accidens unquam profuisse censuit. Ut proinde *παράδοξον καὶ ἀπολόγων* simile quid patrare videamur, quibus apologiam pro iisdem scribere in mentem venerit.

§. IX. Verum sicuti ad difficultatem argumenti inhorrescere, ignaviæ nos argueret; ita auditis opprobriis, in iram similesve affectus effusis, ipsos protinus negligere, iniquum & levitatis indicium esset. Cum, si vel maxime

animi perturbati in vita civili honestum locum non inveniunt, a Medicis tamen, qui & venena in salutaria pharmaca convertere sciunt, absolute rejici nequeant: inprimis cum non sua, sed Practicorum culpa hactenus factum sit, ut tam raros virtutum suarum præcones invenerint. Ut enim, perverso mortalium more, recta aliorum facta verbo indicasse satis putamus, in vitiis vero effutiendis discretissimi sumus: ita Medici plerique non minus, quam ægroti, in morborum decursu, nec phænomena sufficienter considerantes, nec remediornm operationes, & quid vero juverit aut nocuerit, expendentes, sæpe, ex præconcepta de ira, metu, tristitia, sinistra opinione, omnibus aliis potius rebus, quam affectibus hisce, adeptæ ab iis salutis originem adscribunt. Errore, cujus analogum jam olim Hippocrati multum negotii facessabat; cum ægri, postquam per abstinentiam cibis, aut balneum, aut aliud quiddam, præter morem, in diæta commissum aut omissum, sine medicamento, a Medico porrecti, usurpatione reconvaluerant, in divinæ artis ignominiam, se non Medicinæ, sed fortunæ ope evasisse, assererent.

lib. de arte.

§. X. Quæ omnia prolixioribus, quam concinna, exercitii academici brevitatis requirebat, verbis præmittere placuit; non quidem ut aplustria cymbæ præfigeremus; sed ut adverlus temere suscepti insoliti argumenti opprobrium nos muniremus, & pariter, sicubi rem acu non tetigerimus, magnitudine rei impotentiam nostram excusaremus.

§. XI. Ut vero laudatissimæ illustris Wedelii, benignissimi nostri Patroni & venerandi Præceptoris, methodo, qua, rara felicitate, hactenus naturæ abdita detexit, insistamus, post absolutam hancce generalem affectuum considerationem, in tribus sequentibus dissertationibus, præmissa nomenclatura & definitione, mox quid sensus ex phænomenis, ratio de causis & experientia nostra, atque aliena de effectibus doceant, Divino auxilio adjuti, perlustrabimus.

sid. diff. de Acidulis.

§. XII. *Affectus* vocabulum, si de una ex essentialibus animalis partibus, *materiali* scil. prædicatur, Latinis idem est, ac *status ejus p. n.* sive *morbosus*; cui apud Græcos *πάθος* & *πάθημα* respondent. hinc quando ad animi quoque morbos trahitur, eo ipso æquivocationem, eamque *consilio*, ut Logici loquuntur, & *propter analogiam* talem, sub se comprehendit. Uti enim in corpore, per alteratam qualitatum temperiem, læsamque conformationem, & unitatis solutionem, sanitas, hoc est, ex integris illis resultans naturalis constitutio, in p. n. morbosam, & operationibus vitalibus ineptam, labitur; ita, per turbatam animæ sensitivæ tranquillitatem, ipsius rationis consueta *ἐνέργεια* alteratur, pervertitur & sufflaminatur.

§. XIII. Obtinuit tamen usus, ut hæc posterior *πάθος* non æque absolute, ut ista prior, *affectus* appelletur, sed insuper adita particula *animi* vel *animæ* opus habeat: quod secus apud Græcos atque Germanos fieri observamus. Illis enim *τὸ πάθημα* & morbum corporis, & simul *τὰ πάθη ψυχικὰ* denotat: qua ratione etiam Germani, per unicum substantivum *affectus*, Teutonica civitate donatum, *corporis & animi vitia* designant; hac tamen differentia, ut in singulari, *ein Affect* / *morbum* notet, in plurali vero, *die Affecten* / idem quod Græci per *τὰ πάθη ψυχικὰ*, & Latini per *passiones* aut *accidentia animæ*, *affectus* & *perturbationes animi* indicant, exprimere soleant. Præter hæc synonyma sunt: *Gemüths-Unruhe* • *Bewegung* • *Krankheit* / quibus *perturbationes*, *κινήσεις* atque *egritudo animi* respondent.

§. XIV. *Affectus* sunt *motus p. n. appetitus sensitivi*, orti ex apprehensione boni vel mali, cum aliqua mutatione non naturali & p. n. corporis. Est hæc definitio B. Rolfin-
cii, quam per *τὸ p. n.* auctiorem redditam, cum & genus
atque subjectum, deinde causam etiam & objectum, una
cum effectu passionum satis clare designet, merito iis præ-
ferendam duximus, quæ vel breviores justo sunt, ut illa

O & M.
Med. Com.
lib. f. 396.
103.

Fabri:

*l. c. lib. 5.
prop. 1.*

*de Pass. a-
nim. artic.
27. Exercit.
pathol. 8. §.
16. Instit.
philosoph.
part. 9, c. 6.*

Fabri: *Passio est motus appetitus, ex affectione sensibili: vel non ea perspicuitate pollent, ut primo statim intuitu legenti, sed ex certis demum hypothesebus pateant. Exemplum exhibet Cartesianæ, a Charleton & le Grand fideliter repetita: Passiones animæ sunt perceptiones, aut sensus, aut commotiones animæ, quæ ad eam speciatim referuntur, (non vero ad objecta externa, ut odores, sonos, colores, quorum sensationes fallaces sunt; nec ad corpus nostrum, ut famem, sitim, dolorem, quæ affectiones naturales audiunt;) quæque producuntur, conservantur & corroborantur per aliquem motum spirituum.*

l. c. prop. 13.

§. XV. Genus est *motus*, in quo tantum non omnes consentiunt, inseparabiliter cum sensu devinctus. Hinc est, quod a Cartesio perceptio, sensus & commotio hoc loco pro Synonymis habeantur, & a Fabri *potentia motrix a sentiente non distinguatur.*

§. XVI. Videtur vero hic motus *p. n.* esse, sensu Medico, eoque latiori; dum omnino recessum aliquem a naturali statu animæ sensitivæ, quæ tranquillitatem & sibi relinqui amat, indicat. Nec obstat, quod non omnes affectus manifeste actiones lædant, sibi scil. relictæ, & moderatæ, inque corpore sano; sed sæpe ægrotos juvent, & corporis *p. n.* dispositionem ad naturalem reducant. Possunt enim hæc omnia, adhibita distinctione, juxta se tolerari, & sufficit, affectus in natura sua ad læsiones aptos esse, ubi aut immoderatiores fuerint, aut corpus impurum, aliove modo ad noxas recipiendas præparatum, offenderint. Hinc gaudium, affectum adeo commendabilem, quibusdam lethale fuisse, rarum non est. Imo nonnunquam *absentia* eorum noxia est, ut inter remedia commendari debeant.

§. XVII. Instrumenta hujus motus sunt nervi & spiritus animales, qui non tantum ab anima moventur, sed ipsam etiam movent. De nervis nemo hactenus serio dubitavit; spiritibus autem Honoratus Fabri infensior est, & quamvis

quamvis in sensatione motum admittat, nullumque *sensum sine motu*, sed propter motum *sensum* fieri concedat; solis tamen nervis nerveisque fibris omne negotium committit, & non solum spiritus, in sanguine existentes, ad humores movendos ineptos dicit; sed in specie animales, cum *nulla ratio, nulla necessitas, nulla experimenta eos dari evincant, & multæ rationes contra illos pugnent, nullatenus admittendos esse existimat.*

l. c.

l. c. prop. 10.

lib. 4. prop. 7.

§. XVIII. Verum utut jam olim a Stoicis anima sensitiva, ut polypus delineata sit, qui, capite in cerebro recondito, pedes per nervos in sensuum organa distribuat, objectorumque ideas ibidem excipiat; & Du Hamel, horum placita approbans, desumpta a lingulæ bombardæ similitudine, qua digito tacta, vehemens elateris motio, cum subita pulveris pyrii accensione & horribili fragore consequitur; *non dissimili ratione nervorum fibras ita ab Auctore naturæ & tensas, & mutuo sibi consertas, ac per longum expositas scribat, ut, levi ictu commotæ, sensum satis vegetum in communi sensorio excitent: non tamen his solis totam energiam tribuit, sed aperte spirituum mentionem facit, hæcque omnia fieri, dum spiritus per nervos, velut tubulos, vibrantur, affirmat.*

lib. 1. de corp. anim. cap. 2. p. 487.

§. XIX. Inducitur autem motus iste *animæ sensitivæ*. Hanc Willisius *brutam*, illustr. Wedelius *organicam, corpoream*, & vocabulo *ἐμφατινοτάτω* *Archæum*, motusque principium secundum, respectu ad incorpoream, supremum actionum in homine directorem, habito, vocat. Helmontio *mortalis* audit, cui *mens, proxima divinitatis imago, vitæ regimen delegavit*; ita tamen, ut eidem connexa, & per vitæ symbolum, tanquam cognationis proximæ syndesmon, colligata maneat.

de Anim. brut. Phys. ref. c. 11. p. 350. l. c.

tr. confirm. morb. sed. in anim. sens. §. 2.

§. XX. Aliter statuit Cartesius, qui uni animæ rationali functiones cunctas demandans, remoto inter animas discrimine, affectus, ut ex definitione & artic. 25. de pass.

l. c. c. 7. §. 12.
pag. 530.

anim. aliisque ejus scriptis liquet, immediate quasi a rationali deducit; dum ipsi, monente du Hamel, *eadem vis & sentit & intelligit, & omnes animi appetitiones ad voluntates pertinent, aut potius sunt ipsæ voluntates*: Non obstante articulo 17, qui contrarium statuere videtur.

§. XXI. Verum sicuti ex hoc principio multorum, Philosophorum auribus durissimum commentum profluxit: *bestias non passionibus solum carere, quod jam Seneca asseruerat, sed sensu quoque & perceptione destitui*: ita pauci haftenus, præter le Grand & eos, qui cæco impetu in Magistri sui verba jurarunt, permoveri potuerunt, ut a recepta, & naturæ phænomenis explicandis commoda sententia, *vim, scil. sentientem ab intelligente omnino distinctam, esse, recederent.*

tr. Sedes anim.
§. 17.

§. XXII. Et si nunc per dicta pateat, quænam ex corporis partibus præcipue patria affectuum salutanda sit, *cerebrum* scil. quatenus hoc *sedem animæ principalem* præbere persuasi sumus: non possumus tamen, quin duarum celebrium, secus statuentium, opinionum mentionem faciamus. Una est Helmontii; qui, postquam mentem non propinquius aut similis sibi subjectum, in quo hospitetur, quam illud lumen vitale, quod anima sensitiva dicitur, habere docuerat, *hanc ipsam animam sentientem radicalem,*

tr. Conf. morb.
sed. §. 18.

suum torum in Archæo vitali stomachi reperire, & in penitior ejus tunica, velut in thalamo, habitare, asserere haud erubescit. Non quidem, quod hospitetur in stomacho, *tantum sacco, pelle, membrana, olla, carcere vel cortice: nec est in ipsa sede comprehensa, pro more clausorum corporum, intra crumenam: sed, exorbitante modo, inest in puncto centraliter, ac velut in atomo, unius membrana spissitudinis meditullio.* Utque porro, affectus ibi cudi, probabile reddat, *nemo, inquit, non sentit horrores, timores, pavores, iras, excandescencias, tristitias, suspiria, omnemque concupiscibilium perturbationem sibi circa os stomachi suboriri & agitari*

tari &c. Prolixum nimis foret, cuncta, quæ ille adducit, persequi; nam & fidem omnem superant, & fundamento carent. Quare ad alteram potius opinionem, quæ ex corde affectus derivat, protinus progredimur.

§. XXIII. Hæc, & vetustate & summorum virorum autoritate spectabilis, diu in scholis physicis ac medicis inconcussa stetit. Antiquissimi hujus autores Chrysippus & Aristoteles fuerunt, ut ex Galeno discimus, qui & ipse cor indubiam passionum officinam statuit. Postquam enim ex tribus istis distinctis animæ (non facultatibus, ut Aristoteles haud incongrue volebat, sed partibus, τὸ λογιστικὸν sive διαοντικὸν capiti, τὸ ἐνδομυτικὸν hepatis præesse dixerat, τὸ θυμοειδές, vulgo irascibilem & vitalem facultatem, ita cordi tribuit, ut hoc, cum (1) caloris fons sit, (2) arteriis originem præbeat, & (3) ab affectibus animi evidentissime, pulsu mutato indice, alteretur, jure meritoque pathematum mater saluari debeat.

de Dogmat.
Hipp. & Plat.
l. e. lib. 3. p. m.
922.

§. XXIV. Verum quia allatæ rationes partim consequentia laborant, partim aliter a modernis explicantur; ideo res haud omni difficultate caret. Audiamus Charletonem, Cartesii artic. 33. verbotenus fere recitantem: Verisimile est, rationem, cur cor pro primaria præcipuaq; sede passionum vulgo accipiatur, in hoc potissimum consistere, quod in eis motus ejus diversimode alterari deprehendatur, pro variis in eo contenti sanguinis motibus, ab influxu spirituum animalium vario excitatis. Sed, pergit, facile est animadvertere, hanc alterationem non sentiri tanquam in corde, nisi interventu nervulorum, qui ex cerebro ad illud producuntur, prout dolor sentitur in pede, opera nervorum pedis: ita tamen, ut magis necessarium non sit, animam nostram exercere immediate functiones suas in corde, eo quod in illo suas passiones sentit, quam esse principaliter in pede, utut do-
lorem inibi persentiscat.

exerc. pathm.
8. p. 97.

Circ. anat. phys.
pag. 113.
de Morb. sacr.
§. 18. tom. 2.
p. 348. edit.
Lind.

§. XXV. Cartesio adstipulatur Excell. Bohnius, est-
que hæc sententia antiquissima. Ita enim Hippocrates:
Dicunt quidam, quod corde sapimus, & quod hoc est, quod
angitur, & quod curam gerit; τὸ δὲ ἔχ' ἑτὺς ἔχει, ve-
rum hoc ita se non habet, & paulo post: ἀλλὰ πάντων
τῶν ὁ ἐγκέφαλος αἰτίας ἐστίν, sed omnium horum cere-
brum causa est. Id quod etiam §. præced. 16. adeo clare
& fuse docuerat, ut Hippocratem affectuum sedem prin-
cipalem cerebrum, non vero cor asseruisse, dubitari ne-
queat.

Medic. theoric.

Phys. Med. p.
304.

§. XXVI. Et quamvis Zabarella, teste Stupano, A-
ristotelem defensorus, cor unicum principium actionum
omnium esse contendat, cum spiritus vitalis, in corde
generatus, primum instrumentum edendarum functio-
num existat: nequit tamen censuram illustr. Wedelii effu-
gere, qui *autores animam rationalem & omnem vim in-*
telligendi, volendi ac eligendi in capite aut cerebro locare,
solos tamen affectus, qui ex hoc fonte fluunt, cordi relin-
quere miratur; institutaque egregia cerebri atque cordis
cum politico regimine & regia comparatione, affectus
principaliter in cerebro, (regimine) adequate vero & ulti-
mate in corde (regia) & hepate habere statuit.

l. c.

§. XXVII. Qua distinctione ingeniosissima non
tantum veterum autoritas salvatur, eorumque placita, ut a
modernis etiam ferri queant, statuminantur; sed Magnus
insuper Rolfincius, dum eam indolem affectibus animi tri-
buit, ut *protinus, atque in corde concepti, reliquas faculta-*
tes simul afficiant, & in eis affectionis sue notas imprimant,
a contradictionis suspicione commode liberatur.

§. XXIX. Stabilita hoc pacto affectuum officina,
proximum est, ut causam motus, & quid archæum moveat,
deinde quotuplex illud sit, & qua ratione, quibusve mediis
operetur, perpendamus. - Diximus *motum oriri ex appre-*
hensione boni & mali. Ita enim a natura comparati su-
mus,

mus, ut grata prosequamur, & nobis applicare gestiamus, mala vero, & quæ lædere possunt, omni opere fugiamus & longissime a nobis remota velimus. Hinc merito ridenda est affectata ista Stoicorum ἀπάθεια, & inter παράδοξα referenda ἀναδυσία, nec credendum, ullam unquam veram, sed omnes simulatas &, reluctante natura, a monstrosa obstinatione exclusas fuisse.

§. XXIX. Dum vero boni vel mali tantum mentionem fecimus, ea, quæ medio modo & ἀδιαφόρως se gerunt, cum animi tranquillitatem imperturbatam sinant, nullius efficaciam esse declaravimus. Quamvis enim & a talibus archæum moveri, negare nequeamus, quatenus percipiuntur, sentiuntur, & mediæ naturæ esse judicantur: minime tamen ad affectus concitandos apta sunt; cum horum essentia haud in consueta & naturali, sed extraordinaria complexus spirituum, ut a quibusdam sensitiva audit, commotione fundetur. *Quamdiu enim, inquit Willisius, anima corporea tranquille ac imperturbate se habet, proprio corpori, velut thecæ aut capsulæ cuidam adæquate aptatur, ejusque partes omnes tum sanguinis, leniter circuli, rivulis irrigat, tum spirituum animalium blando ubique allapsu ætuoat.* Ex quibus patet, cum nullus ab ἀδιαφορίᾳ irregularis motus suscitetur, quod nulla quoque passionibus animæ solennia phænomena inde expectari debeant.

l. c. c. 8. p. 66.

§. XXX. Cum porro boni & mali ideæ variis modis considerari queant, ex illis duos tantum in præsentia explicandos proponemus. Quod priorem classem attinet, alia idea nobis domestica est, in nobismetipsis nata, & Helmontiana phrasi, *archæali silice excussa*, dum mens ipsa sibi procellas excitat, suorumque conceptuum ideas exoticas inprimit in spiritum, functionum executorem: alia est forinsecus & peregre adducta.

tr. conf. morb. sed.

§. XXXI. Confirmantur hæc ab autore Philosophiæ tom. I. p. 739.

art. 94. l. c.

vet. & novæ: *Affectus partim ab externis objectis excitantur, quæ in cerebro vestigia inprimunt, cum quibus certa perceptiones sunt conjunctæ; ex iis oritur boni aut mali opinio, tum quedam spirituum commotio, quam motus animi vel affectus comitatur: partim impetu quodam vel a naturali inclinatione excitantur.* His subnectimus, quæ Cartesius de internis causis habet: *Cum plena fruimur sanitate, & cum cœlum solito serenius est, in nobis sentimus aliquam hilaritatem, quæ a nulla intellectus functione provenit, sed solummodo ab impressionibus, quos motus spirituum excitat. Et eodem modo nos tristes sentimus, cum corpus non bene habet, quamvis nesciamus, id male se habere.*

§. XXXII. Præfagit, quod obiter addimus, ejusmodi tristitia & *δυσάγεια*, flendique aut altercandi libido non minus, quam præter morem & modum titillans stimulus ad lætitiâ, plerumque morbum, ex alterata humorum atque spirituum crâsi propullulantem. Sic hypochondriacos & melancholicos sæpe subitanea, & modum tenere nescia hilaritate correptos cernimus, als ob sie gar **ausgelassen wâren**; quos postmodum plerumque acerbiora symptomata vexant: indicio, certam vellicationem nervosi generis, ab initio pruritum quasi gaudendi, ridendique, imo saltandi in quibusdam excitantem, mox, aucta ista irritatione, (ut in scabiosis post duriozem, non sine voluptate celebratam scalpaturam fieri solet,) causam dolendi evadere. Præter hæc non semper vana est de imminente fato illatabili cordis anxietas, & inde nata desponsatio animi; cum mens, a supranaturali causa admonita, futura mala ex longinquo quasi prævidet, unde Germani: **Das Herz ist mir schwer / es ahnet mir nichts gutes.**

§. XXXIII. Altera classis eas ideas comprehendit, quæ ex malo & bono, *vere aut apparenter tali*, originem trahunt; sive physica, sive morali, sive utraque ratione considerentur. Ut enim in morum genere non eadem omni-

omnibus honesta atque turpia judicantur; ita una eademque res amabilem vel odiosam, lætam aut tristem sui imaginem animæ imprimere, & quæ Titio ἀνιάφορα videbatur, Mævio pavorem aut iram, Sempronio vero optatam animi requiem conciliare valet. Prout scil. juxta Cartes. l. c. art. 39. *cerebrum & glandula pinealis*, vel potius circumstantiæ, internum atque externum subjecti statum concernentes; comparatæ fuerint.

§. XXXIV. Multum itaque interest, cujus sexus quis sit, quam ætatem agat, qua humorum temperie, (quam mores sequi, Galenus docet,) polleat, ubi natus & educatus sit, quo vitæ genere utatur, quomodo corpore valeat, & demum, an prospera fortuna, an vero adversa fruatur. Quæ omnia, quatenus remotiorum causarum, ad animi affectus fabricandos concurrentium, vices sustinent, hoc loco latius & per exempla, secundum rerum nat. non nat. & p. n. capita exponere possemus; nisi hæc, ad propositam affectuum potius trigam pertinentia, hic intempestive recitari, ibi vero tædiose postmodum repeti arbitraremur.

§. XXXV. Ne tamen sicco prorsus pede hæc prætereamus, quædam ex arena quasi nata exempla attexere placeat. Homo Gallus, temperamenti sanguinei, aut Britannus, ex conversatione uxoris cum juvene adeo non commovebitur, ut lætanti potius inde argumentum capturus sit; cum ibi fœminis, ut olim in Græcia adolescentulis, laudi ducatur, quamplurimos habere amatores. Italo vero, atra bile tincto, extrema indignatio & internecimus moeror inde nascetur. Deinde cum viros castra juvent, & lituo tubæ permixtus sonitus, non matribus solum bella detestantur, sed omnibus etiam, qui otium & oppidi laudant rura sui, terroris atque metus materia esse solent. Huc pertinet *Adelph. 4. sc. 8.* illud Terentianum:

*Omnes, quibus res sunt minus secunda, magis sunt,
nescio quomodo*

Suspi-

Suspiciosi; ad contumeliam omnia accipiunt magis;

Propter impotentiam suam se semper credunt negligi,

& ira exinde, aut ubi ulciscendi occasio non datur, tristitia afficiuntur.

§. XXXVI. Restat, ut modum agendi, qua scilicet ratione objectum externum sensus primum externos, hinc internos, ipsumque archæum feriat, proponamus. Nimirum, ut objectum percipiatur, opus est, ut sui characterem ideamque sensorio communicet: sive hoc, secundum Aristotelem, beneficio *speciei* cujusdam *sensibilis*, vulgo *intentionalis* dictæ, aut per *effluxum substantialem* Democritæum, aut, quod Cartesius vult, per *motum certum, objecto & sensorio specificum*, id fiat.

§. XXXVII. Ubi notandum; quod etsi Aristoteli τὸ αἰσθητήριον δεκτικὸν τῆς αἰσθητῆς αἰεὶ ὕλης ἐκαστον, *quodlibet sensorium formam rei sensibilis sine materia*, & ut *cera*, sunt Stupani verba, *sigilli formam absque ferro & auro, quibus sigillum insculptum est, assumat*: notabilis tamen sensorio alteratio accidat, & ab objecto, secundum ejus naturam, varie modificetur, idque nunc *grossiori*, nunc *subtiliori modo & contactu*. Grossioris contactus, quem, nescio cur, Stupanus in specie *physicum* vocat, exempla manus, a frigido refrigerata, lingua ab amaro, amarore, nasus a foetente, foetore imbuta offerunt. Subtiliori contactu autem per lumen colores oculis ingeruntur, & sonus per aërem compulsus aurem ferit.

§. XXXVIII. Oritur ab utroque isto contractu *motus nervorum*, per tenuissimas fibras organo sensus externi implantatorum, hinc *spirituum*, tam insitorum, quam continuo fluxu huc ex cerebro manantium; isque undulatorius quidem, at momento celerior, ad sensorium commune susce-

susceptam imaginem deferens. Percussi, inquit du Hamel, in aliqua parte corporis spiritus, impressionem, ab objectis acceptam, per nervos *ad striata corpora deferunt; ibi communis sensus perficitur*, aut externæ sensationis perceptio quædam. Si fortior fuerit impressio, ulterius ad partem cerebri interiorē, seu *corpus callosum* (rectius medullam dixisset) *propagata, imaginationis actum excitat*. Est enim imaginatio vis animadversiva, quæ distinctam rei depingit imaginem. Tandem undulatio ista *ad limbum usque cerebri producta*, in medullari corticis anfractu sistitur, atque ibidem, suo tempore profuturam notam relinquit.

§. XXXIX. Quod distinctas hasce sensuum internorum sedes attinet, fateor, nec unam cunctorum sententiam, nec rem sine omni incertitudine esse. Fabri teste, sunt, *l. 5. lib. 3. prop. 9. p. 327.* qui memoriā in occipite statuunt, juxta cerebellum; sensum communem in syncipite, non procul a fronte; phantasiā & imaginationem, ut vocant, juxta ventriculos; imo non defuere, qui in ipsis ventriculis sensuum internorum sedes collocarunt, & cerebri cloacas in secretiora conclavia commutarunt. Ipse Faber de sensus communis officina *l. c. prop. 9. §. 5. 6, 7, 8, 9.* singularem opinionem fovet, dum *plexum choroidem* ejus subiectum esse, sex argumentis, uno negativo, reliquis affirmativis, demonstrare conatur. Horum potiora partim *ab analogia*, hunc & retinam oculi, commune specierum visibilium receptaculum, intercedente, partim *a subtilitate & vicinia principii nervorum* desumit; ultimum vero, quod stringentissimum & ponderis maximi esse putat, & §. 10. continetur, ita format: *Cum in omnes corporis fibras ex organo sensus interni determinatio vel affectio traducatur, certe in ea duntaxat cerebri parte (sensus communis) ponendus est, quæ ex omni fibrarum genere constat; sed præter præfatum plexum, nulla hujusmodi est; quæ scil. secundum §. 5. & 10. ex mollissima substantia fibrosa, innumeris arteriis, venis & nervis fibrisque membranosis composita sit; ergo &c.*

§. XL. Sicut autem argumenti hujus consequentia tanta non est, ut quempiam hactenus Fabri in suas partes traxisse legerimus; ita & posteros animadversuros esse confidimus, ipsum sibi soli hac in re sapuisse. Sed nobis redeundum est, unde digressi sumus.

§. XLI. Percipit scilicet τὸ ἡγεμονικόν, archæus sive anima sensitiva, in confinio sensuum internorum, aut si mavis, in ipsis sensibus internis vicens, postquam per nervos singulis sensoriis vim sentiendi tribuerat, per eodem alterationem, ab objecto in sensorio factam, & pro circumstantiarum constitutione atque re nata, denuo spiritus per nervos in extimas partes, motui animali inservientes, ablegat. *Itur, inquit Fabri hoc pacto a peripheria ad centrum, daturque regressus a centro ad peripheriam, id est, a sensibus externis, qui quasi peripheriam corporis obtinent, ad sensum internum, qui est in fibrarum centro; & ab hoc ad appetitus organa, id est, ad venas, arterias, nervos, musculos, membranas.*

*l.c. §. 10 pro-
pos. 9. P. 329.*

l. c.

§. XLII. Prout igitur objectum utilis aut inutilis, læti aut tristici, grati vel noxii ideam offert, diversi ab anima sensitiva spirituum atque humorum motus instituuntur; dum ea, juxta Willisium, a jucunda & bonitate sua sese commendante idea quasi *ampliatur*, & *exsultans erigitur*, spiritusque animales, ad motus organa & præcordia largius emissos, cum sanguine quaque versum diffundit: Contra ea ab ingrata, & nocendi malitia notata, *aut percellitur*, & *in seipsam quasi contrahitur*; unde fluidarum quoque non minus, quam solidarum partium motus sufflaminatur: *aut distorquetur*, & *per irregulares motus ima summis miscet*, utque ab ira accidere videmus, cuncta perturbat.

§. XLIII. Sic oriuntur *modo affectus jucundi*, gaudium, amor; *modo molesti*, terror, metus tristitia; *modo compositi irregulares*, ira, indignatio, furor, desperatio, idque genus alia. in quorum omnium generatione primo in-

intuitu quidem anima pati videtur, cum tamen revera agat, & tota in actione versetur. An vero ejusmodi theatrales & mimicas facierum vicissitudines, quales Willisius ipsi affingere ausus est, admittat, dictu difficile est: illis tamen haud ægre persuadebitur, qui Helmontii commenta de archæo, nunc quieto, tranquillo, obediente, sibimetipso complacente; nunc pavido & prorsus fugitivo, vix herbis, verbis, atque lapidibus in ordinem redigendo, aliquid apud se valere patiuntur.

§. XLIV. Coëterum, quod actionem & passionem animæ sensitivæ spectat, non inconvenienter verbis Hamellii ea roborari potest: *Non sunt audiendi, qui sensum sola imaginis receptione, aut passione quadam, definiunt, cum omnis perceptio actio, & quidem clara sit. Unde potius statuendum, animam sensitivam, quando nervus, & in eo spiritus animales usque ad sensorium commune vibrantur, huic impulsioni quasi obsistere, & reagere. Hinc Aristoteli sentire est agere circa illam affectionem, factam in organo, & oculus artificialis, quanquam rerum imagines suscipiat, nec cernit tamen, nec sentit.*

§. XLV. Tandem, ut finem dicendi faciamus, cum tantum in genere de affectibus loquamur, possunt, quæ supra de effectibus eorum sparsim adduximus, fere sufficere, quo minus ad specialia descendere opus habeamus, ad sequentes dissertationes varias machinæ microcosmicæ alterationes reservantes. Coronidem igitur discursui imponat Galenus, qui, postquam in symptomatum causis explicandis, de lassitudinis speciebus, rigoris item & horro-
ris, febricitantes occupantium, origine differuisset, ita loquitur: *Est igitur ex primis, ac, ut sic dicam, qui maxime principalis sint notæ motibus, ipsa τῆς ἐμφύτης θερμότητος, innati caloris intro forasque delatio, multas animi perturbationes passionesque sequens: simul autem cum ipsa spiritus quoque ac sanguis alias intro, & ad ipsum principium*

lib. 2. c. 5. p. m.
85.

pium feruntur; alias foras tendunt & funduntur. Ex quo patet, unde moderni distinctionem istam hauserint, quando omnes sanguinis atque spiritum motus, ab affectibus excitatos, ad duo genera, contractionem nimirum & expansionem referunt, quatenus scilicet (ut Excell. Brunonis, de effectu atque utilitate, in corpus ex animi pathematibus redundante, loquentis, verba mea faciam) vel humores, sanguis praesertim & spiritus, congelascentes, fixiores, funduntur, & expanduntur: vel nimis expansi & fusi figuntur, & ad tranquillitatem reducuntur.

SOLI DEO GLORIA.

